



素軒吟藁卷之二

九日家宴

金風初動鴈南翔

聖德難酬望

帝鄉小甕新篘秋露白短籬香泛菊花黃
題糕音響希唐律落帽風流笑楚狂不
用登高懷往事放歌滿引醉何妨

九日登高

細月景秋深萬葉飛望窮目力遠山微清
尊繞倒客先醉黃菊正開人未歸避俗

每思陶靖節澄江却憶謝玄暉幾迴欲
奮神霄翼百尺高樓獨振衣

九日憶雷州舊任

又從客裏度重陽廣右雷陽總瘴鄉千
里望迷榕樹綠一年驚見菊花黃行臺
涼露烏啼月澤國西風鴈唳霜頓覺近
來詩興減題糕不復笑劉郎

是日夜坐口占一絕附錄於此

萬籟俱沉夜氣清一天秋色月三更鶴
巢翻下松花露驚起林間鳥亂鳴

贈楊繡衣

盛時高擢繡衣郎出入烏臺近耿光曉
起正冠簪白筆暮來收印入青囊三冬
栢葉風霜古二月蘭花雨露香獨向天
南頻側耳也知鳴鳳在朝陽

題雪詩贈楊繡衣禁體二首

一夜隨風綴遠林萬條僵樹盡森森濕欺
漁叟裝衣重寒入詩人布被深江海烟雲
藏凍蟄野田桑柘噪饑禽公餘盡日相過
少呵筆西窓只自吟

又

同雲一色灑皚皚地面平鋪不見苔萬樹
恰如花片落八窓渾似雨聲來迢迢竹逕
朝初掃寂寂柴門午未開謾說長安有
貧者不知何處是春臺

送張進士榮行

青霄萬仞步徐徐經世文章錦不如家
學舊傳周子易行囊新註伏生書月明
野店聞雞早雲冷關河見鴈踈此去銓
曹輿論協黃門烏府聽榮除

送張主政赴京

二首

類水飛騰入禁林一遷郎署歲華浮馬鄉
獻賦偏承寵何遜題詩苦用心

壯關晨趨飄錦綬南宮夜直擁綉衾冰壺
玉鑑清無比暮春夜堅辭故舊金

又

送別陽關酒一尊官船搖拽過孤村杏花
滿路江南景詩興無邊腹內言月詔開
封宣

帝命紫泥頒賜感

皇恩此行銓府歸輿論拱聽佳音報故園
送喻行人 二首

九重承命捧

宸章四牡駢駢出

帝鄉良夜未忘青瑣夢新緘猶帶紫

泥香

龍飛漢水時何盛鶯囀商郊日正長
畫錦此行經過處故園草木亦生光

又

形勝西南第一州御

恩誰似使君遊五雲回首人千里獨鶴橫江
月滿樓展祭已成三禮獻觀風仍切四民
愁春明預作還

朝計吊古尋幽不戀留

贈宗憲長 二首

雙旌搖曳入雄藩夾道驩呼老豸冠初政
欲隨春雨足先聲猶帶舊霜寒人傳遺
愛仍思寇自辛踈慵始識韓看取名增
循吏傳秦華山色共嶺岏

又

牙冠銜命廣西城雙旆匆匆又遠行金氣
作霜天幾月法星隨斗夜三更青闈川陸
知途險黃入郊原喜歲成暫爾相違還有
約栢臺高處聽蜚聲

會繡衣遊翫勝境次李方伯韻 三音

山行隨處酒旗斜風逼輕陰水漾沙抱岫
嵐光疑失路出墻春色喜逢花武林佳勝
當三月文苑風流會一家此別相思重回
首迢迢清夢隔京華

又

何代龍潛屋後峯斬崖突破碧重重風雲
變化應難測頭角崢嶸豈易逢新度開山
花樹繞舊遊題字薜蘿封竒觀一日忘
歸晚側耳高城已暮鐘

又

入山無處覓新茶深洞翻疑散寶花何代
神功初闢地一時僧梵偶成家上方坐見潮
生浦歸路惟看樹隔霞春盡遐荒驚暴
執擬將紈扇拂輕紗

飲何方伯圓亭

可愛圓亭四面開，要貪空翠入詩來。乾
坤俯仰斯文會，江漢風流不世才。燈下矢
聲嚴細柳，雲中烟火認蓬萊。主人意洽忘
歸去，聽報更籌第一回。

贈東槐

天產高槐秀逼人，瞻依忘却宦遊身。喬林
氣爽寧知暑，密葉陰濃不受塵。酒發舊
醅春艷艷，果嘗新摘露津津。晚涼無限
豪吟興，敢向神仙閬苑陳。

贈錦衣武永還京

世將家聲藹

帝都老成還拜執，金吾由來

寵數逢千載，久有才名敵萬夫。仙仗扈行朝

佩劍

宮城宿衛夜分符，他時看取勳猷盛。會續麒
麟閣上圖。

題風峒山

神仙境界構幽亭，夾路薔薇當錦屏。盤
谷風光忘俗世，輞川佳致入丹青。詩囊瀉
處直誰壯屐齒，歸時亦自馨。欲取野花

還府第儘開家園候園丁

送傅大叅之貴州

征轡紛紛冒柳枝陽關唱徹遽分辭短亭
殘暑仍揮筆故舊多情謾賦詩少壯文
章推甲第西南財賦屬藩司

當今聖德過堯舜好在諸賢答盛時

送曹都閫還渠陽

二首

武弁龍韜萬卷書功名歲月亦何如衣冠
濟楚斯文雅祿位爭嵎嵎世德符山路迢
遙雲樹杪馬蹄輕踏雪花初誰知此景真

堪羨月白風清返故廬

又

此去鄉關氣旣雄赤心為

國捍邊戎風霜苦戰征袍濕歲月淹留客舍
窮浩瀚詩章題桂嶺輝煌節鉞過江東
知公猶薄封侯印定有文謨弼治中

題陳輔酒洞

巖崖深處掩重門矮矮橫牆傍石屯月掛
薜蘿高萬丈竹搖疎影動千根誰家酒
館招賓飲衆老詩章勝古言坐久不知

歸去晚恍然身世在桃源

贈貝秀才

十年窓下苦殷勤自信儒冠不誤身
霄漢暫時悲落羽風雷指日起潛鱗
干將躍冶鋒無敵美玉連城價莫論
誰道青雲難力致往來軒冕是何人

題山東鎮守黎公永思堂

迎養萱親享壽時劬勞未報母先辭
松林寒食黃梅雨翰苑宮碑白雪詩
萬里鄉關音信杳兩行血淚暮雲垂
此身貴顯

情難盡盡贏得乾坤說永思

次何方伯廷珮西蜀捷音韻二首

飄飄瑞彩拂雙旌醜虜潛形民不驚
危急檄傳須善處順從招撫信非輕
兵行詭計心猶慮妙筭神謀事可成

又

恩寵有加膺獎勵至今西蜀著蜚聲

兵戎整飭衛黎民號令嚴行善撫巡
虎豹縱橫無約束

王師奮勇有經綸子陽雖去留遺跡諸葛

如存見在身指日

九重頒爵賞龍章烜赫紫泥新

奉上永州

九重承命到遐方幸得瞻依山斗傍自信雲
龍天上種嘗聞丹桂月中香曾襟開豁
羅星宿文彩光輝比鳳凰深愧庸才蒙
惠愛報無銜結倍慚惶

題風洞山二首

獨尋春色上高臺極目凝神甚快哉山拱
遠旋峯作障雲橫層疊雪成堆漁舟泊
岸沽村酒墨客題詩寄隴梅絕頂孤亭
塵土不擾百花時送暗香來

又

携酒名山去復來此中不亞子陵臺蒼
松翠竹攢峯秀野草閑花滿地開點
染丹青渾是景吟朝風月愧非才人生
百歲知能幾一得餘閑一泛杯

題山茶花

諸花不與此花同綠葉叢中簇錦紅鶴
頂丹砂烘麗日胭脂臘綻放春風恍疑

天上來仙種未得丹青寫艷容幾欲乘
鸞駕兼駕鶴和根拔獻

紫宸宮

送陳提學二首

栢臺高處歲頻更奉

勅寧辭萬里程西廣英才承教育遐方山
嶽聽清聲琴書入橐籥庾嶺錦豸蟠胸
過郡城奏最行看登長憲好將蘇息問
蒼生

又

碧山紅葉路參差憲節將分恐別離五嶺
使輶繁宦轍一方學校重監司官清豈解
持端硯朋餽何曾備土儀握手祖帷情不盡
浮雲空繫故人思

贈何方伯廷珮

皂蓋風行絕點埃

湛恩遙自日邊來除書驛報新薇省夾路
人迎舊栢臺西蜀去思隨處見廣藩晴
色望中開

九重側席燕龍選他日還應簡異才

題誠菴

誰道誠菴無所事此心終日獨乾乾只教
流動源頭活不放虛閒歲數遷遷報國安民
忠愛在看山翫水智仁全襟懷洞澈懸冰
鑑何愧天潢一派傳

贈張總兵

曾陪虎帳逐天狼妙算神機力挽強氣
吐層樓烟已破手完千里地還方旌旗歸
路輪蹄滑鳥鵲喧春草木香安得羽書
塵不動將軍高坐靜南邦

賀張總兵太夫人壽旦詩三首

寶婺流輝啓壽符子承

簡命拜天書萱花堂背時占鵲錦悅門前
曉集烏果獻蟠桃來闈苑酒成新味似
蓬壺酡顏百歲知無恙看取

鸞鳥封出

帝都

又

酡顏白髮歲華新初度壺天不老春海
屋添籌壽開壽域南山獻祝慶生辰遐年

福祉同龜鶴濟美簪纓有鳳麟更喜萱
堂花獨秀搏前長作舞衣人

又

萱堂稱慶值芳時六十高年祿養齊
曉日蟠桃降王母春風慈卉長孫枝
三遷教育賢名著二品馳封

聖澤垂遙對前山祝遐筭婺星光彩照南
離

題英風貽遠亭

舊將高亭倚翠微英風貽遠扁生輝

千年黃土而翁宅兩袖青麻孝子衣
弔鶴影迴孤月冷啼鶻聲老落花飛
殊勲茂績昭然在一觀穹碑一淚揮

喜晴奉張總兵

宿雨初收愛曉晴山風烟散盡萬山
明野鳧狎客隨風戲江燕穿花繞樹
鳴雅會不須歌舞潤奇觀絕勝畫圖
清五羊指日應回首百戰功成奏凱
聲

頌張總戎保卹黎元

蜚聲久矣著賢明

簡命咸稱得老成保障有才先撫卹
繭絲無欲尚廉平五兵練閱威狂寇
四野謳歌樂耦耕

聖主留神南粵地歸然今喜屹長城

頌張總戎揚兵破賊

春蝨茲狂逆弄戈矛巢穴鋒屯勢未休
捍禦有方威大振保黎多策衆何憂相
機批搥羣雄卻見賊追擒一鼓收今日
山行兼野宿安然完固若金甌

贈別張總戎

南粵先秋暑氣殘祖筵握手別離難
雲開帆影衝新鴈日射旌旗破曉寒
紫電星文休厭拭青銅勲業要頻看
此行莫負蒼生望須把邊情達

禁鑾

贈曹繡衣二首

景仰高明思不禁愛

君憂國慮何深忠言如出宣公手
慟哭誰知賈誼心名姓直應高
北斗文章寧止重南金何時

詔許登台鼎坐遣蒼生得傅霖

又

豸袍尤帶舊天香
祖帳悠悠離思長
驄馬勝遊登嶽麓
星槎暫息駐仙鄉
青山驛路橫吟筆
綠酒賓筵泛別觴
臺閣追陪承

顧問瘡痍落莫徧遐荒

和曹繡衣龍隱巖韻

仙巖幽靜且逍遙
仰視千尋接斗杓
龍去空潭基尚在
鶴飛絕頂勢何高
水環

洞口縈溪岸雲掩山腰護石橋
不盡登臨懷古意訂期重會約來朝

與曹繡衣作別席間有作

憲節南來捧

御章動搖山嶽到遐方
政成今日蒼生感名重

當朝仕籍揚官騎衛行人載道縉紳裁贈帙盈箱

神京翹望八千里且聽驪歌醉一觴

題曹繡衣尊翁別號清溪詩

萬水朝宗到此溪，隱居絕似浣花西。年深
不着蒼龍浴，月上常留白鶴棲。百丈古潭
沉玉鑑，一泓寒碧浸玻璃。有時煮茗詩成
處，纓濯滄浪復品題。

送曹繡衣榮行

萬里

皇華奉

命來隨車，甘雨及蒿萊。英姿幸識丹山鳳，
離酒愁斟北海杯。寶劍光芒徒繾綣，星軺
爍爛重徘徊。榮還烏府需喬擢，黃閣清

風遍九垓

題誠菴手卷

真心誠復更誠，通萬物都歸化育中。貫徹
三才惟聖學，扶持九鼎在吾躬。岱宗寸積
方高峻，滄海涓流始會同。識破一圍無極
趣，乾坤何地不春風。

題誠菴冊葉

二首

王道分明仙道同，乾坤都在一壺中。壽高
自得長生訣，氣爽能調內煉功。靜坐不知
更甲子，醉吟時覺動春風。安期早晚如相

遇咫尺蓬萊路可通

又

未老身閑始是閑采芝應得類商顏春
風短屐園亭處盛世吟杯紫翠間錦軸
牙籤堆玉案羅帷繡幕倚雕闌酒酣一
榻紅塵遠肯許相從問八還

子承

上命統領三廣漢達官軍兩江狼兵土官知
府岑猛等進勦古田蠻賊節鉞駐劄永
福縣行臺公暇偕按察司憲副鉛山張

公僉憲吉水楊公登鳳凰山謁團練使
李公祠堂致香讚祝曰保我地方軍民樂
業毋使蠻賊擾害為患陰靈尚鑒護佑
吾民乃受一方血食永鎮于斯誠為盛矣
謹用小詩一律稱讚云

萬里戎衣八月秋滿川丹桂暗香浮鳳凰
止處鍾人物此狀元王公也龍劍騰時射斗牛此

團練使李公也

山上石泉寒霧濕城頭畫角曉
霜收平生雅尚斯文美偃武脩文慕孔周
孔子周公也

贈東湖吳老先生致政還家 字獻臣號東湖
奉

詔承恩出

九天宮登八座隱山川
桑榆暮景烟霞外
葵藿丹心雨露邊
百頃膏腴供月俸
千株桃李當公田
于今已喜身無絆
放浪何殊陸地仙

送羅上舍濟民 二首

重使命到南垓
萬里驅馳捧檄來
古

寺日聞僧侶語因駐驂世人時羨馬鄉才

登臨桂嶺詩三倡送別江頭酒一杯
執袂兩分南北去
幾番悵望幾徘徊

又

木龍渡口泊扁舟
携酒相邀上綵樓
雲樹微茫烟淡淡
山城零落水悠悠
平原瑞麥雙又垂穗
桂嶺喬松不計秋
詩興未闌歸路晚
數聲漁笛過江頭

五月蒼梧之行而作

昭平早發下龍門
兩岸山高不見村
畫角曉吹懷旅客
蓬窓夜坐聽哀猿
此心慚愧

叨

君祿萬里瞻依荷

寵恩何日掃除烟瘴息千年讐隙雪民冤

遊冰井寺

坐問禪師冰井寺如何清濁隔西東看
來此水關人事欲使當時勵士風亭上
高懸文字扁山腰雄鎮梵王宮西藩泰
有軍民責幾度登臨感慨中

重登妙高臺

亭其甚高躡甚峻嶒脫洒紅塵眼倍明山
脊穿雲當砥柱峯巒飛翠入簷楹吾
欲課兵書讀睥睨堪分武隊行何日盡
闡重徒倚彩毫濃墨為題名

送肇慶府黃太守

選曹利器喜能收一劍光芒射斗牛郡伯
有聲聞嶺海民情先已達

皇州金鑾天曉瞻仙仗玉筍班聯拜

冕旒今日

聖明崇俊乂鶯鶯遷歸自

鳳池頭

贈廣州魏太守

紛紛宦轍總豪華，有幾如君實稱名。
帝里每聞書上最，廣州不忝藹先聲。中興
幸遇

商王作獻納，遙傾禹服誠。側席求賢當此
際，能無精鑑在銓衡。

壽康驛樓和韓都憲韻

閑倚江樓看晚晴，四方雲斂景清明。浮生
幸秉乾坤氣

同命叨承雨露榮，識得窮通比日妙。理筭

來富貴，總虛名。高山流水知音少，謾把焦
桐膝上橫。

德慶道中作

驛路馳驅策馬來，好懷那得一時開。浮雲
比跡真無定，殘燭如心半已灰。曲澗迴巒相
顧藉，落霞孤鷺各徘徊。眼前誰是田橫
客，長嘯西風不盡哀。

贈何廷珮方伯致政還鄉二首

筮仕秋曹仰下風，曾因器識見才雄。幾人
登宦如全福，半世知心獨荷公。卿相滿期台

鼎位參參又備藥囊中攀轅卧轍民垂
淚尤恨叨承惠不終

又

調燮功成退志堅誰如明哲秉幾先常憂
位重孤

恩寵不慮家貧戀俸錢載酒看花春盡罷
開軒賞月與高眠天將全福歸耆德晚圃
秋香雨露偏

題七星巖

七星山列靖江東丹竈銀床石竇中一竅

送王舉人會試二首

棘闈戰捷九秋高
科第欣看屬俊髦
一代文章新製作
十年燈火久甄陶
風清曉浦移蘭棹
雪霽寒梅照綠袍
此去龍頭應占取
看花上苑快遊遨

又

歲久黌宮播美譽

聖恩樂育應時需

九重紅日天無際
萬里青雲志有餘
蘭佩曉隨仙仗肅
梅花夜夢玉堂虛
禮闈濟濟多

英彥獻策誰如董仲舒

奉蕭都憲

都臺斧鉞照青霄兩廣山河節制遙禁
衛直教貔虎肅蠻夷無復大羊驕上公賜
祿金為印壯士吹笳箭在腰簡在
帝心頒寵召曹裝早趣遠趨朝

贈屠繡衣

歷政烏臺幾度春繡衣持斧出

楓宸識高自是窮經到譽好非干抗疏頻
霄漢常時虛薦剡廟堂何日定垂紳

朝廷恐有當言事相勸臨危莫愛身

贈徐評事

早登科第擅才名棘寺超遷荷

寵榮袖帶御香還

漢室袂分祖道向神京乘風帆便皇華近映
日袍鮮錦繡明想到公餘無外事金臺晚
照快吟情

贈蕭都憲

憲臣咫尺近

天顏位正都臺

寵命頒六月風霜隨遠通萬年財賦屬東南
君恩特慰忠賢望膏澤惟聞父老談只恐
廟堂還柱石道傍無計綰歸驂

贈屠瀟衣

天上承恩簡命頒黑頭風采出鴛班軍聲壯舊
遣蠻寇伏詩律高令漢吏慙台宿炳靈
依斗北法星流彩映江南停雲幾度因君
喜不待醇醪亦自酣

贈王總鎮謝酒詩

兩廣當中幕府開重臣簡命得直下

令肅東南境麟繡威生內

始

辰極通二藩爭候福星來昨承盛宴聆清
教歸處歡聲出草萊

贈王總鎮喜晴詩

重臣高位愈崢嶸

簡命新頒荷

聖明雲擁旂旄歸節制雨晴山嶽聽威聲
瞻天日近金臺境得捷書傳古粵城珍重
盛時勲業在大施霖雨及蒼生

寄屠繡衣 三首

憲節煌煌出

帝州臺臣風采荷

天庥姓名久副蒼生望監察應分

聖主憂列郡犁牛鋤親稼穡三軍兵甲擁貔

貅行臺咫尺紅雲近先聽封章達

冕旒

又

繡衣持斧出提刑凜凜霜臺正玉衡干

里封疆遵治化八方綏服仰風稜皂囊坐

遣烽烟息寶匣長韜劍氣腥

宵旰分憂在今日華勛顯望勒新銘

又

懋德清才愜美談繡衣風采重臺端

賜袍刺豸緋偏稱

御勅蟠龍墨未乾民困瘡痍思按節家傳

韜畧復登壇赫然所至揚聲譽徧歷東

南建綵幡

挽松坡 二首

一點公心清似水藩維咸讓獨賢哉剛腸

介性神仙氣，謹論忠言。王者才宗廟，方看
瑚璉試巖廊。又惜棟梁摧，嗟哉足慰重。
泉下生既榮，兮逝亦哀。

又

夢入華胥竟不醒，山陽鄰笛帶愁聽。遼
東鶴返人何在，仙隴春來草自青。繞架
詩書多手澤，滿庭蘭桂盡芳馨。桂林
閩苑清宵月，猶照當年翫景亭。

過梅嶺而作

庾山如步小桃源，一徑紆迴入洞門。遠樹

雲來僧寺隱，半崖春透石泉温。詩懷逐
物餘，孤嘯世事關心。此共論客路，正慚無
飲量，可勝佳賞，對清樽。

自和前韻

聞道梅花滿碧源，承

恩萬里入雲門。巖前雨過松常濕，洞口春
深水自温。最羨古人曾此詠，不逢故舊
共誰論。千年遺跡俱寥落，自合風前倒
一樽。

送儲進士

岐路花飛酒滿斟送君遙記練江尋賞
蓮已協登科議折柳難勝贈別心畫錦
極知官况好宵衣還體

聖情深榮行不待賓鴻促擬向鷓行續佩音

贈屠繡衣

鳳勅輝煌聽曉頒

漁恩汪濊出

金鑾泰華雲擁高諸嶽奎壁天懸映斗南

右廣文移烏府檄東朝官重

宸班清時才傑如公少看立勲名字宇宙聞

送郭繡衣

璽書高捧出神州無限韶華眼底收花萼

柳條連曲徑水光山色足西疇十年宦跡

心猶壯此日朋簪意更稠回首

五雲清禁在朴忠直欲效先憂

賀王總鎮華旦

嶺海羣黎望正濃公來到處起疲癯

三朝著德諸方仰一脉陽和兩廣同境絕妖

氛昭白日民蘇霖雨詠春風昨宵南極

生光彩預兆遐齡等華嵩

灕江送別梁郭二公 二首

憲節煌煌耀海濱
嶺南無物不精神
邊塵掃却狼烟息
宿弊祛除政令新
兩廣生民千載惠
一般遺愛萬家春
臨歧話別重回首
天上奇祥覩鳳麟

又

千年周召復生今
瘴雨蠻烟賴撫臨
兩廣德培天地厚
南陲恩溉海波深
史官簡策多書績
父老閭閻有頌音
祖帳勸酬那忍別
魚書莫惜抵千金

送別屠繡衣 二首

擁節宣威按粵城
熙熙民物樂昇平
嶺南善政從今頌
海外清風萬古名
合省黎元方慰望

九重金闕又還旌
留田公莫遂攀轅計
踴躍江干不盡情

又

花驄粵地又京華
萬里關河去路賒
憲節曾聞揚化外
頌聲今始起南遐
頓令赤子瘡痍不負

明君寵錫加嶺表惟公明月夜清光並燭
海天涯

又

秉節麾旌政已成潢池赤子憚威名南
天月朗星河靜五嶺烟消瘴癘清長耿
丹心懸

北極久垂青眼照蒼生明公此去無他祝願
秉忠貞致太平

為總巡蕭都憲上壽

烏臺都憲大家聲手握貔貅壯甲兵七

表有身如少壯四朝無日不昇平樓臺
鐘鼓朝天夢座上壺歌愛客情聞說廟
堂用耆舊似聞夷虜盡知名

送別朱總戎岳丈蔡都尉 三首

望依北斗即

神州遠送仙娥願已酬感曉

九天星象動雀屏千里瑞光浮故山久別
踈雲屐

新命奇才棹彩舟特致蕪辭伸餞意一
輪明月倚高樓

又

孔雀屏開

聖主知緣諧鴛鴦偶重閨儀清居
國戚塵

天眷榮逐星辰入

鳳池

帝澤弘深叨寵遇親臣光耀感恩慈旌輶
慚愧無為禮遣港高歌駟牡詩

又

九重銜命

聖恩慈百歲天緣有定期開國元勳稱

館廣寒仙姊重齊眉南華寶地堪登
眺庾嶺梅花足品題憶昔

龍門曾識面暮雲春樹正興思
矣

先帝武宗毅皇帝

毅皇厭代返仙宮武烈文謨有祖風弓馬
熟閑

高帝並邊疆巡狩

太宗同橋山萬古雲龍護金井千年瑞氣

封臣下滿懷荼毒苦不勝哽咽淚盈宵

恭聞

今上登極敬賦一律

聖德巍巍藩邸成兄須弟及協輿情
九重再造乾坤大萬國咸瞻日月明
葑屋茅簷恩並普徧麒麟馬瑞初呈
茲海宇春風轉歲歲年年樂太平

奉司禮鮑公二首

髻鬢超騰入禁闈少年清貴古來稀
身衣麟繡朝天去頭插宮花侍宴歸
卓筆

彤庭寒漏迥捲簾池館水禽飛三台
仙近猶謙遜甘雨均沾萬物肥

又

踈簾搖曳日輝輝直閣深嚴半掩扉
一院有花春晝永八方無事

詔書稀樹頭百轉鶯聲語梁上新來燕
子飛有此才華居此地泰山北斗仰巍

巍

又

望到關山白鴈初離愁多在仰君餘

百年交友通家誼萬事傾情尺素書
粵境徭夷何日定地方黎庶幾時蘇位
名並極居帷幄欲效賢勞有幾如

中秋翫月寄洪繡衣

我欲停杯問廣寒中間宮闕幾時安丹
梯有影非難上玉斧無痕許借看不信
藥成煩老兔誰憐桂冷濕青鸞相逢今
夕知何夕莫笑清狂興未闌

元宵賞燈

爭放紅蕖燎紫沉勝遊誰肯惜千金

和更有笙歌助酒美應無巷陌深化國光
陰方甚永洞天風物不難尋何如可致吾
民樂長似熙熙此夜心

送陸中書

天語傳宣荷

寵榮歸舟初發向江行烟花雨柳春三月楚
水吳山路幾程別浦雲深依鷺宿荒村月
落聽雞鳴到家書畫錦還

金闕

聖主臨軒待賈生

送張繡衣

少年擢桂登金榜按節遐方着繡衣
曉日三騶還漢苑秋風正馬入

皇畿周邦舊重麒麟瑞粵地爭傳獬豸
威獨向天南時注目法星隨月正流輝

送同學鮑公

重名清望徧華夷恐是神仙不可知
一舉首登樞筦地

四朝身歷鳳凰池廟堂只似無言者
門館長如未貴時簡在

帝心諧士論當時賢相復書誰

送王方伯啓陞雲南巡撫都憲

盛德雄名遠近知功高先得守藩維
銜

恩暫遺分龍節奉勅還同在鳳池

聖主親頒天語至寮臣齊出出道傍
辭福

星高照滇南地刻日喬遷勒去思

奉賀南京守備戴公

七十餘年福慶舞舞躬盡瘁

六朝君身依舜輦登天位首見

堯龍秉化鈞百辟望公承約束四方
多士

仰經綸為儒富貴皆隆極惟祝功名日
日新

贈翰林張子陽先生

壁水窮經歷歲華驚雷一夜起龍蛇
登瀛望重人爭羨視草才高衆所誇
曉日曾酣中禁酒春風或看上林花
奎星定與台星近獨散餘光照海涯

贈洪繡衣

冰壺玉鑑炯含霜移入烏臺爛有光
拂曙鳴珂趨別殿明時策馬按遐方
紅梨味美

超蓋桂翠栢陰濃勝杜棠手握禮闈
椽筆力暇中時復綴詩章

贈張內翰先生

二月鸞鳥啼滿林
春風細靄上青駟行隨
元老清光重坐引
宮壺笑語諧雲澹綠楊
斜鞞地雨深紅藥亂
翻階妙齡于此才華盛
共擬超昇展素懷

正月元旦日試筆二首

聖主春秋鼎盛時
祝延萬壽寫新詩
元宵燈火家家樂
寒食壺漿處處悲
忠孝勸

人猶起敬公勤為國自維持平生作事心
無愧任是愁來總不知

又

暖風晴日又新年淨几明窓亦舊緣身病
已甚殘歲減酒方喜得故人傳梅花着樹
紅將滿松影當庭碧正圓好是江南佳麗
地不知家在

帝王邊

慶元宵

玉消冰泮玉河春畫館延留畫省人萬點

花燈明綺席一爐獸炭暖重茵醉來不
語金杯滿飽後翻嫌玉饌頻回首却愁荒
野外幾家鍋釜欲生塵

送張內翰還京

崇文閣下擁冠紳獨羨張華才望新簪
筆每隨元老後承

恩不忝翰林人五更待漏金門曙萬里
宣風玉塞春聞道漢庭多顯仕只輸蘇
武畫

麒麟

贈葉員外

黃道天開紫極高
爐烟繚繞拂宮袍
漢家人物追三代
周典天官冠六曹
翠幕晝開吟芍藥
玉壺春暖醉葡萄

帝心簡在輿評協懋德清才壓俊髦

送張憲長朝

覲

玉節金章紫豸裘
暫離柏府

覲皇州官亭對酒
蠻烟息驛路行舟
瘴雨

收渺渺白波湘浦
夕蕭蕭黃葉桂山秋

係知長憲承

天寵誓秉忠貞答

冕旒

元宵夜賞燈

冠冕雍容舜九官
夜深清宴未曾闌
酒懷不減江湖闊
和氣清消宇宙寒
火樹千枝花似錦
銀河萬里月如盤
浩歌一曲昇平頌
願奉君王萬歲權

題拱秀亭

小亭卓絕倚雲端
四面青山繞畫闌
衆

岫西來馳萬馬數峯東峙舞羣鸞
海門帆影烟中見江樹秋容雨後看
千古興亡無限事邊城又聽角聲寒

送劉提學考最

臺栢迎霜葉愈肥斯文話別惜分違
君書最績朝

金闕我舉離杯餞祖惟士子幾年勞教育
皇都千里不同歸那堪無限臨岐意目送
雲鴻向北飛

寄印綬監王公

一自天階別故知客邊何處不相思
落花啼鳥春遊處細雨殘燈夜坐時
歲月悠悠人望久關山靡靡鴈來遲
臨岐未盡書中意詩寄慚無錦繡辭

寄尚寶監郝大監

初心何以報

明君誤用名場策異勲千尺絲蘿欣有托
平生樗散愧無聞豈堪霄漢扶紅日
且對青山詠白雲寮案協恭違別久一緘
遠寄話斯文

贈汪繡衣

咨度芝來重大巡繡衣持斧下
嚴宸每詢芻牧知民隱屢寫封章達
聖神冰玉聲華隨處滿陽春霈澤到時
均不知天下觀風者名實如君定幾人
送欽差梁曾二進士

二公勝覽壯湖山逸思豪吟正未慳粵者
帆開孤月曉南天人共暮雲間道經黃
鶴仙樓外地接元龍想像間話別不禁春
晝永醉餘起舞更闌珊

贈曾欽差東廣之行

驛路東風動使輶寵承

簡命上青霄湖天極目孤帆渺江漢懸心址
斗高春滿芳洲田草色月明長笛起松
濤襟懷自與塵寰隔此夜孤燈且細挑
送林大參陞憲長二首

大江水漲海潮通握手離筵忍別公榮捧
天書陞長憲暫辭容小宋出藩封運謀康
訪經營內按察提刑總制中廟議臺評
諧衆論

袞衣行召補華蟲

又

官亭握手泛清樽
離思茫茫不可論
擬上書匡漢室誰知

簡命出天閭
綠楊送客臨
征路芳草隨君
返故園後夜相思空佇立
朔雲吳月自朝昏

退息寓館追思

孝宗皇帝痛哭一首

瘦樹寒聲起
夜颺廟堂元老有哀辭

湖已逐羣龍化周馥空傳八駿騎千古

秦陵神擁地萬年社稷禮成時
微臣痛抱終天恨
荼毒傷心賦詩

送方都憲

昔承

簡命出朝端
戀闕懷朋去住難
不覺又為千里別
相逢重叙片時懽
省方問俗當秋稔
剪燭論文到夜闌
才行如公當內轉
不須強缺只彈冠

寄鎮守福建尚太監

劔氣稜稜貫斗牛
青春銜命出龍樓
勤勞王事

三朝寵講論
陳編一理優
綸綍當時侍
北闕仁風今日遍
閩州年年勝日開
華宴能念同朝故
舊不

題劉仙巖

蒼然壁立徑耳高
寒元氣淋漓濕未乾
開天留澗壑
崦嵫巖如玉
倚林巒壺中
根氣洞裏神仙
日月丹擬欲捫
行聞環珮響
珊珊

喜雨奉

大巡汪先生二首

頃刻驕陽轉作霖
民歌遍地布黃金
豈愁屋漏床床濕
爭道溪流岸岸深
千里稻苗青藹藹
一時黎庶喜駸駸
倒懸頓解田家苦
不負臺臣懇禱心

又

憂國憂民建雨壇
天心咫尺可躋攀
懇祈電母驅雷令
顛望雲龍奮羽翰
惠澤何殊甘澤降
法星相並福星安
霽然三日蘇

素軒吟藁卷之二 三十九
苗搗肯負臺臣一寸丹

題湖山一覽亭

湖山隨處豁吟眸
徙倚亭間適趣優
日下風雲瞻魏闕
波心景物勝瀛洲
一蓬踈雨鷗邊晚
幾片殘霞嶂外秋
見說武昌城畔柳
尚含青眼待重遊

題高亭詩送檜菴

新橋西向構高亭
車馬填門慶落成
林外數聲漁笛過
江邊幾葉畫船行
秋風丹桂年年盛
瑞氣雲峯面面清
文物衣

冠時聚會品題佳
句徧簷楹

贈徐伯川

二首

少年學道自家傳
次第工夫主敬先
格物似縹千縷細
勝私如破萬城堅
尋常只恐心還放
老大猶懷德未全
瞻望紫陽終可到
尼山豈有萬重天

又

早年能著古文詞
務達求工更尚奇
一瓣香供韓柳氏
幾重梯上漢秦時
少於靜裏專心作
多在忙中信手為
若使

奮然加進學六經奧雅是吾師

中秋對月

秋色平分月正圓南樓清興浩無邊雲
收澹閣懸丹桂水滿龍宮泛白蓮萬古山
河渾以舊百年身世欲登仙何當喚起林
臯叟斗酒江流共放船

題牡丹

落盡深江始見花花時比屋事豪奢買
栽池館恐無地看到子孫能幾家門倚
長衢攢繡轂幄籠輕日護香霞歌鍾滿
座爭歡賞肯信流年鬢有華

贈龍繡衣

雙鬢將衰貌且童臺臣令譽幾人同大藩
文武曾回席窮海蠻夷亦避驄桂樹雲端
偏沐露荷花水面獨搖風祗今勇退居林
下怕說班超萬里功

登風洞山

山有松蘿樹有苔公餘暫此遠塵埃風聲
隱隱天邊至泉勢潺潺石縫來諸客笑拚
今日醉一樽喜向此中開仙翁採藥知何去

尚有餘光照草萊

送金憲副為挽令堂詩

南風吹送北歸舟
麻苧為衣豸繡收
宦邸心情長念母
別來祿養幾經秋
訃音報日書先到
雨脚乾時淚尚流
祖帳分離哀痛苦
難將一笑解千憂

遊伏波山

清曉捫蘿踏翠平
雲瀟瀟涼露濕衣巾
上攀霄漢無多路
下瞰蒼浪絕點塵
古木千章含宿霧
山禽百類語留人
明年攜酒重登

眺看取桃花爛熳春

寄蔣司徒先生即蔣閣老先生令元也

致政歸來樂有餘
一家三代四尚書
林間萬卉芝蘭落
天畔孤雲任卷舒
綠野貯春佳客醉
綺窓晞髮小鬟梳

朝廷見說思耆舊
使命頻煩問起居

題阿房宮

一片青山一片雲
秦宮高閣楚王焚
沛公約法民心悅
蕭相扶危社稷存
樹木參差臨複道
宮娥老幼避桃源
趙高指鹿呼為馬

二世朝廷豈自昏

題湖山亭二首

坐覺塵襟萬慮空
人間似得羽翰通
暮天窈窕山銜日
爽氣駸駸客御風
草木韻沉高下外
星河影落有無中
飄然更待乘桴伴
一到扶桑興未窮

和前韻

矗矗層巒插半空
銀河直與此相通
五湖縹渺千山月
萬里淒涼一笛風
鷗鷺迴旋青靄外
汀洲特起綠蕪中
騷人自欲留佳

句忽覩諸詩思已窮

送汪繡衣

六龍初御

九重天豸繡承

恩君獨先鷁舫歸
浮彭蠡蟻月輶車行
度鬱林烟高城五瘴
今皆息遠戍三烽夕
絕燃借問紛紛狐與兔
欲從何處避鷹鷂

聞

今上登極一切弊政盡行革除
喜而有作收盡陰霾見曉
敷祥光五色徧乾坤

九重聖主初臨御萬國羣臣總拜
恩龍繞翠華登玉殿鳳銜

丹詔出金門咸歌

帝德同堯舜夏啓周成未足論

贈楊僉憲

新賜天書墨未乾輶車西出冒晨寒粵人
共仰唐劉晏海內還期晉謝安驛路星
河朝攬轡烏臺霜月夜凭闌故思松菊
無勞問望取功勲後世看

贈吳總戎

帝念西南在一隅簡求才德應時須六軍
勇誇威令萬馬無嘶聽指呼自古功名
多少壯及今談笑定規摹山城老稚惟
聲沸應掃甘棠看畫圖

題喜鵲噪

喳喳簷外有先知早晚

龍章下玉墀或報蠻夷遵治化或傳家守
際雍熙惟應

天降儲君喜更復年逢豨豆阜時靈物斷然
無妄噪一詩聊代卜耆龜

贈汪大巡先生

射策明廷重漢儒，去登雲路只斯須。飽聞
治最誇南粵，已有先聲到

帝都。壯畧安邊元自許，甘霖濟世舊來無。知
君氣節摩霄漢，夜夜文光煥北樞。

贈楊愈憲破賊有功

懷抱經綸迫出羣，武文才具氣猶薰。階鋒
破敵心惟壯，背水囊沙計益勤。解放倒懸
歸衽席，凱旋歌頌喜氤氳。男兒到此功
名處，何愧黃金榜上人。

和還珠洞繡衣聯句韻

瀰江春水駕仙舟，來訪還珠作勝遊。丹桂
碧崖三洞口，青松綠竹半家洲。興濃對酒
忘沉醉，喜極聯詩疊倡酬。豸繡才華風節
重，姓名有日覆金甌。

送章都堂

天開泰運世清寧，和氣薰蒸瘴癘停。治
屬閭閻皆按堵，至明

仁聖喜詳刑。丕施政化須臺憲，果見謀猷簡
大廷。聲實並隆歸士論，行登八座上青冥。

題雲泉竹院論心卷

結茅竹裏似巖極面面窓開翠色迷長聽
雨來虛榻外不知日轉曲闌西奚奴掃地
收新箨吟客敲門問舊題我欲相尋無
路入鷓鴣何處隔烟啼

喜雨

出門黃霧隔城深下馬玄雲匝地陰莫遣
蒼生空有望誰言造化本無心庭前翠竹
飛還舞水面遊魚躍更沉擬效坡公詞重
作記上天今已雨黃金

素軒吟藁卷三終

